

中興禮書

中興禮書第二百四十五卷

凶禮十

永祐陵

發引

紹興十二年六月八日禮部太常寺言今討論依故事合差撰徽宗皇帝顯肅皇后大行皇后哀文冊伏乞降勅差官詔撰徽宗皇帝哀冊文差尚書左僕射秦檜顯肅皇后哀冊文差參知政事王次翁大行皇后哀冊文差給事中兼直學士院程克俊

同日權禮部侍郎施垌等言三梓宮到龍德宮殿橫以俟修奉所有發引月日未曾申請伏以禮者稱情立文有經有變惟其當而已謹按禮經天子七月而葬及左

氏云同軌畢至皆以自初崩至葬期以七月是以國朝因山川之期倣此為節蓋禮之經也至禮之變則不然考之春秋再書雨不克葬以見古者雖先卜日設或有故猶不能盡循又魯君薨於外而歸葬者有二如威公喪歸後九月乃葬經明書之以志其緩杜預亦以其緩慢然則緩葬非是明矣至若昭公末年十二月薨於乾侯明年六月公喪歸秋七月遂葬按公喪之得歸已過諸侯五月之制矣故其即葬也傳注不以為亟何則喪事欲其縱縱今淹恤在外至是始歸古人于此處禮之變尤不嫌于速也魯雖列國然春秋乃聖人所紀為一王法隨事皆有褒貶而先儒獨無一言及此其當可知今茲梓宮之歸各經歲月過古葬期已久又今來安厝

止是攢奉其餘終之禮亦已備具所有七月禮制自難更行況喪事即遠有進無退倘或尚淹時月久稽安奉不惟于禮非當亦慮非寧神妥靈之義欲乞隨宜稱情以一月為期擇日發引掩攢庶幾梓宮早安窀穸既弗蹈昔人緩葬之譏且無嫌春秋踰月之例參之古今實為允當伏望特降指揮下太史局於十月半以前選發引掩攢日分詔依

八月二十五日禮部太常寺言檢會國朝故事梓宮發引前遇旦望不視事百僚奉慰今來迎護梓宮到行在將來發引前并至掩攢宮前遇旦望乞依故事合是日皇帝不視事百僚詣常御殿門外進名奉慰詔依二十六日禮部太常寺言將來梓宮發引日各合用大

昇輦并龍輜乞依故事令工部指揮文思院比附紹興元年體例修置應辦施行

二十七日禮部太常寺言今先次參酌討論到攢宮合行典禮申請下項 一契勘昨昭慈聖獻皇后靈駕發引日皇帝親行啟奠祖奠遣奠禮讀哀冊奉辭訖吉服還內緣服並焚之俟至攢宮有司攝事還奠并抬攢宮之禮所有將來徽宗皇帝顯肅皇后懿節皇后梓宮自龍德宮發引日至攢宮行禮欲並依上件故事內皇帝所服總麻服俟奉辭訖令太史局差冠擇官指引利方焚之入內內俟省差官監視 一昨靈駕發引日依禮例皇帝行啟奠祖奠遣奠禮其陪位官除攢宮總發使并屬官及行事侍中等合赴陪位外欲乞用皇親南班

并諸親陪位其百官依故事於城外奉辭次赴殿門外
進名奉慰所有將來梓宮發引日欲依上件故事施行
內諸親係顯肅皇后懿節皇后本宅有官親屬 一各
合修置入橫宮十二神等依故事係工部指揮文思院
計會太史局修置 一依國朝故事發引日合用鹵簿
儀仗今來即日未備欲依昨昭慈聖獻皇后故事發引
日權以儀衛服青褐衫執持儀物充代乞令主管禁衛
所相度差撥 一依國朝故事發引前夕并沿路宿頓
至陵所並合排設警場所將來發引前夕并沿路及
至橫宮宿頓欲依故事排設警場令太常寺條具申請
一依國朝故事前夕并沿路宿頓合用鼓吹并所屬
修撰導引歌詞今來梓宮發引合用導引鼓吹乞令太

常寺條具申請詔依

九月六日禮部太常寺言九月二十六日梓宮發引車駕詣梓宮前行啟真遣奠之禮太傅持節導梓宮所有合用節三副及牙床六張并盛黝纁贈玉匣三副

床褥

全乞工部下文思院製造詔依

同日又言殿攢發引都大主管所狀將來梓宮發引勒作頭供具到昨昭慈聖獻皇后發引用過名件未審有無添減數目乞降下今所屬造作後批送禮部太常寺討論申尚書省今檢照國朝會要山園陵故例并昭慈聖獻皇后例用討論到下項買道輿四目方相車香輦引魂輿鵝舁輿儀棺輿各一銘旌幡輿三五穀輿紙輦各一天盟器檐床一十張花幡雪柳一十件春夏帳檐

床衣架鍤鐸檐床各三龍輜車三黝練贈玉匣三小檐
床三皂纛旗三今論前項依得昭慈聖獻皇后故例乞
令文思院製造施行衣譽一十頂金銀家事器物檐床
二各合用金銀器物與欲依永定陵故事每位各用一
與所有各件放故事即無該載今文思院計會殿撰事
務官隨宜打造於逐殿送納其依舉令龍德宮主管香
火官開具搭掛衣物名件報文思院每位各製造一十
套陳列其金銀器物俟至攢宮交割充下宮崇奉使用
內衣物至日並行焚燒所有綵結樓子并影殿各三今
討論欲乞依故例下御筆院量人數差其威儀僧道下
臨安府各差一百五十人今紹興府預先依數差撥在
岸祇備交替迎引詔依

七日禮部太常寺言將來修奉徽宗皇帝顯肅皇后懿節皇后橫宮乞差橫宮總護使禮儀使橋道頓遞使今參酌欲依昭慈聖獻皇后橫禮例總護使差執政官橋道頓遞使差侍從官外其禮儀使更不差官詔依總護使差樞密使孟忠厚橋道頓遞使差戶部侍郎張澄同日詔書懿節皇后哀用文差數文閣侍制秦梓

八日禮部太常寺言殿橫發引都大主管所申昨來迎護梓宮所有團甲頭力士等係各散到白布衫頭巾帶子今來發引即未見得係著是何色服并造作去處後批送禮部太常寺看詳申尚書省今看詳各合服細布頭巾布衫帶子欲乞下殿橫發引都大主管所先次拘收近迎護梓宮禮儀使司已造過團甲頭力士等所服

衣服外餘闕報臨安府貼造詔依

十日禮部太常寺言將來梓宮發引今續次參酌條具
下項 一契勘山園陵故事俟梓宮升大昇舉內侍前
期請御封封鏤係自京至永安軍陵寢並是陸路昨昭
慈聖獻皇后梓宮發引經由水鄉拆卸大昇舉當時更
不封鏤今來發引係經涉大江并由水路亦係拆卸大
昇舉所有將來梓宮發引日欲乞依昭慈聖獻皇后故
事施行 一梓宮發引至攢宮除綵結物色外其餘大
昇舉方相買道舉等候至攢宮日乞令太史局指引方
位令喪葬作頭舉火焚燒 一將來梓宮發引其哀冊
依故事於梓宮前陳列乞今禮部量差職掌前去沿路
照管俟至交割付固陵攢宮收掌詔依

十一日殿撰發引都大主管所言契勘今來三殿發引
所有一行儀衛班直親從親兵輦官威儀僧道並合於
影殿樓子前後及作圍子隨從祇應所有裝衣服見今
並服本色至日欲乞頭帽執骨朵服紫衫黃帶子護從
祇應詔依

十二日宰臣秦檜奏准勅差撰徽宗皇帝哀册文維紹
興五年歲次乙卯四月乙亥朔二十一日乙未徽宗皇
帝崩於五國城十二年八月己丑歸殯於龍德別宮十
月庚申朔七日丙寅遷座於永固陵撰宮從變禮也十
年生別萬里喪歸望鞏原其奠隔寄稽陰兮疇依孝子
嗣皇帝位御名悼至寢之弗泊優憑几以如聞思樂思
嗜載懷載焚乃詔近輔追揚清芬其詞曰宋受天命同

乎舜禹謳歌訟獄悅歸藝祖六宗紹休述修厥德升平
百年不睹兵革於皇徽考 考古道廣聲繼文昭公克
孝粵自初載渙其大號拔賢任耆除煩解繞尊禮東朝
肅欽九廟樂脩韶英禮參忠質庠序崇儒旌車招逸輕
刑恤辜施仁先疾撫駕登三襲經為七治內既定柔遠
是圖固存兼弱集散安居一視遐邇罔間遐跡南洽北
暢東漸西濡龍卷非心崆峒高蹈命乃元子付以大寶
昔在漢祖世推豁達情牽私愛尤不堅決又如唐宗淒
涼西內誥用靈武蓋非本志於皇徽考惟天為大脫屣
九州曾不蒂芥揆所元以要終允超今而冠古倂塵區
之迫隘駟玉虬以輕舉嗚呼哀哉勛華拱揖兮卑夔該
輔文武啟佑兮周召扶將仰成能之卓偉孰克堪於對

揚嗚呼哀哉遐睎要荒兮均之邦內深軫號獨兮出諸
死中世已躋於仁壽躬乃罹之茲厄窮嗚呼哀哉寒煖
之節永遠於在視苦甘之劑罔效於先嘗哀莫報於勞
瘁胡寧忍乎蒼穹嗚呼哀哉江濤萬古今有潮有沙嵩
峯千仞兮靡審靡崩猗澤流而德立尚神游之億寧嗚
呼哀哉詒付書冊文官

九月

日參知政事王次翁奏勅差撰顯肅皇后

哀冊文維建炎四年歲次庚戌九月庚子朔五日甲辰
寧德皇后崩於五國城紹興七年九月庚申朔五日甲
子上尊諡曰顯肅皇后紹興十二年十月庚申朔七日
丙寅遷座于永固陵攢宮從變禮也嗣皇帝聖孝格天
追慕罔既禮飾厚終哀榮備至復命通臣鋪張往事寓

歌薤露以寫哀思其詞曰乾健坤承日照月儷坤月之
祥應時內治昔鄭司徒啟封受氏榮澤之陽壽星之次
原性之本實姬之裔歷漢及唐世濟其美三祖七房益
昌而熾宋以火興實周之對列聖臨御天作之配豈無
華宋姬姓是最坤柔月彩慶閭鍾瑞誕降嘉德覩天之
妹曰嬪于京輔佐丹宸逮下之仁躬儉之懿憂在進賢
而無險詖陰教是徽孚音亦嗣比跡塗山追踪馮泗固
已超越姜嫄姪姪如昔在文考久御神器心疲萬機思託
思寄乃睠東宮曰吾有子社稷宗廟克紹克繼后實贊
之而成內禪之志龍德寧德兩宮對峙饗天下養釋天
下累無倫無數至富至貴否泰有極或反其類時運之
艱百六之會翟車榆狄從狩萬里衣有澣濯飾屏珠翠

寶彝堂

險阻艱難嘗之既備侍我文考愈寅愈畏謂宜遐壽萬
有千歲昊天不弔事驚意外坤並乾圻月隨日逝文考
神靈脫屣塵世后亦從之乘雲御氣揮斥八極哀福集
祉陰相中興是基是址永永綿綿歆饗廟祀皇帝孝思
守文繼體惟窳惟窳一謹於禮嗚呼哀哉洛水煙昏崧
岳雲翳祖宗在天園陵在聳地如何歸祔道塗荆杞禮
有從權隨時之義嗚呼哀哉稽山巍巍浙江瀟瀟峯巒
之秀龍虎之勢宅兆之安吉協龜筮攢而未封從權之
制嗚呼哀哉龍輶霧驟羽翼封厲六宮于慕雨零其涕
音容如存象服永閔惟有懿範光昭彤史嗚呼哀哉詔
付書用文官

九月

日給事中兼直學士院程克俊奏准勅差撰

懿節皇后哀用文維紹興九年歲次己未六月己酉朔
二日庚戌懿節皇后崩于五國城啟殯於龍德宮之西
階粵以十二年十月庚申朔七日丙寅遷祔于永固陵
櫬宮之次從變禮也晝翼霄嚴彫輿夙駕素月墮於長
秋風回於廣廈皇帝緬懷麗極親御奠楹備百禮以迎
送望九宮而啟行挽鐸淒涼鳴笳怨咽爰命通聯武揚
芳烈其詞曰胄自姬周賜姓受祉爵列刑侯以國為氏
奕燁漢唐蟬聯魯衛祚啟前人慶鍾來裔有美邦媛叶
瑞菖花姿凝媚靚德茂柔嘉歲圖是則服御無華天作
之合王假有家寵被綠綬光生朱戟二女同風四妃繼
美動中珩璜躬勤治汴厲節含章稱時由禮歲丁協洽
霧塞宮闈羌逢時之多故廼從狩于六駟禍機叵測天

理難知掖庭之草兮自綠汾水之鴈兮空飛嗚呼哀哉
 中壺初崇化基攸賴將還踐于青規遽興悲乎素柰淪
 精軒象之躔閭跡瑤池之會莫攬禕衣徒存羽素僊遊
 兮縹緲間訃音來兮沙漠外嗚呼哀哉宸襟感愴戚眈
 哀傷涕實黎庶慟絕嬪嬙念死生之契闊香南北之相
 望屬寶隣兮敦好飾輶御兮歸藏儼萬乘以迎奠拱千
 官而肅將嗚呼哀哉眉然兮啟蕞塗紃如兮催漏鼓聶
 城閨以陟轉渺濤江而橫度風蕭蕭兮絳旆番露漫漫
 兮紅日暮卜吉壤于稽山祔神靈於永固嗚呼哀哉涓
 辰庀事瘞玉埋香集鳧羣於銀海燎漆焰於金釭從先
 后而不返嗟大夜之何長姑寓攢於東越矧還貢于北
 印惟惇史之述德亘億載而垂芳嗚呼哀哉詔付書冊

文官 十三日權禮部侍郎施珂等言三梓宮將來發引未定行次先後緣國朝以來即無同時舉葬大喪梓宮發引禮例謹按禮經曾子問葬先輕而後重奠先重而後輕自啟及葬不奠今自啟擯以至于葬並以葬禮為先後不用奠禮則輕者居先重者居後將來發引懿節皇后梓宮在前顯肅皇后梓宮次之徽宗皇帝梓宮又次之前卑後尊先輕後重庶合禮意詔依

同日又言已降指揮將來梓宮發引未審皇太后合與不合詣攢宮唯復止詣龍德宮燒香今禮部太常寺討論申尚書省今檢會永定陵故事發引前有司進龍輅于延慶殿西階挽士退先請皇太后奉寧龍輅舉哭盡哀退又檢會永厚陵故事發引是日仁宗皇帝與皇太

后於舉前奉辭契勘將來梓宮發引係合於龍德宮門外升大昇舉緣龍德宮門外地步隘窄已設皇帝行禮御幄難以更設皇太后御幄今討論將來梓宮發引日欲比附前項故事是日於發引時前請皇太后自內服淺淡服詣龍德宮幄次易總麻服詣梓宮前燒香舉哭奉辭退歸次易吉服還內次皇帝依儀行啟奠祖奠遣奠之禮所有皇太后總麻服乞令本殿官於龍德宮門外焚燒仍令太史局尅擇官指引利方詔依

十五日禮部太常寺言將來發引皇帝親行啟奠祖奠遣奠禮今參酌條具合行事件下項 一啟奠祖奠合

用祝文六首

三首述皇帝 三首述梓宮前行 啟奠之意

一

合用御封降真香九合

一遣奠合差讀哀冊文官三

員乞降勅差侍從 一合差舉哀用官二員乞降勅差
六曹郎官 一啟奠祖奠遣奠合用樂帛九段 一合
差進奠爵酒官三員乞降勅差禮祠部郎官 一合差
酌酒官三員乞降勅差太常寺博士主簿寺監丞充
一合差割繩內^侍一員下入內侍省差 一合用上香
炭火燎草并焚總麻服柴草等下諸司排辦 一合用
羊九口豕九口乞下臨安府收買赴牛羊司入滌養餵
差宰手工匠祇應 一合用禮料酒齊蠟燭燎草等乞
從太常寺下臨安府應副 一依故事發引前一日奏
告在京宮觀廟宇并靈駕經過橋道及十里內神祠今
欲乞依故事令臨安府紹興府備酒幣帛修撰祝文差
官祭告行禮並前一日致齋詔依

十七日禮部太常寺言將來梓發引行遣奠禮畢除總護使并都大主管合隨從外其餘行事侍中已下俟朝臨訖並乞依故例先赴宿頓內隨從官乞依自來故例沿路若出陸許自執扇遇雨許披帶其沿路遇宿頓總護使已下并行事侍中等及皇親詣親並合服總麻服立班上香朝晡臨內皇親乞令行在大宗正司差南班宗室一十員候至紹興府乞令見在本府南班宗室並隨從立班俟掩攢宮畢日回及自至攢宮至掩攢宮日總護使以下應合赴立班官並服總麻服詣梓宮前上香朝晡臨詔依

二十一日禮部太常寺言將來梓宮發引百官於城外奉辭今具合排辦事件下項 一至日應服總麻服文

武官於城外奉辭合用幕次香案香爐等乞下臨安府
排辦若值雨濕潤乞令就幕次立班上香舉哭再拜奉
辭一儀注其日應合赴官先赴城外幕次易總麻服
有司設香案定俟大昇舉將至御史臺太常寺閤門集
官立定俟大昇舉至禮直官贊躬拜班首已下在位官
並再拜次引班首詣香案前上香再上香三上香復位
立班首舉哭在位官皆舉哭俟哭止禮直官贊官躬拜
在位官皆再拜訖俟大昇舉過並退詔依

同日禮部太常寺言今具梓宮發引合差官下項侍中
一員奏請靈駕升降進發權駐乞差侍從太傅一員持
節導梓宮監柩攢宮依故例降初就差總護使少傅一
員捧率梓宮官奉升大昇舉并攝少保復土九鍾乞差

侍從太常卿一員充掩橫宮饗官依故例降勅差太常少卿充太常少卿一員率執翼障梓宮乞差太常寺官充監察御史一員監掩橫宮少府監一員進龍輜乞差太常寺官充將作監一員捧梓宮登龍輜兼掩橫宮乞差本監官贊引太傅持節導梓宮太常博士一員乞差太常寺主簿攝詔依

二十二日禮部太常寺言將作少監朱友仁等申承指揮製造徽宗皇帝顯皇后懿節皇后大昇輦三座合用牌額字數乞下太常寺討論付是何官司書寫後批送禮部同太常寺討論中尚書省今討論合造牌三面並以七字為文依故例用朱漆清地金字製造官司委官書寫徽宗皇帝大昇輦顯肅皇后大昇輦懿節皇后大

昇舉詔依

同日禮部太常寺言梓宮發引經由錢塘江并錢清江
事體至重乞降御封香祝專委官嚴潔致祭今具合排
辦事件下項 一合用祝文二首並述以為梓宮渡江
前期致告之意 一首錢塘江龍神一首錢清江龍神 一合用御封降真
香二合白幣二段 一每位合用羊豕酒栗脯鶩菁蠟
蠋燎草等共二位乞從太常寺具數報臨安府紹興府
排辦其禮料俟禮畢並投於江中 一祭告官奉禮郎
太祝太官令乞輪隨從梓宮禮部太常寺官充詔依
同日禮部太常寺言將來九月二十六日梓宮發引今
續次參酌到合行事件 一發引日總護使都大主管
官橋道頓遞使就御幄前朝辭餘行事官並免 一合

用勦九匹繡六匹贈玉三段係於橫宮內安設令左藏庫揀選堪好物帛充文思院如法製造贈玉供納一所差鼓吹警場挽歌依故事係五使按閱今來已差總護使橋道頓遞使欲乞從總護使於發引前二日就法惠寺同橋道頓遞使都大主管并禮部太常寺官按閱一欲乞依昨昭慈聖獻皇后橫宮禮例梓宮升獻殿權安奉以俟遷奠掩橫宮一發引梓宮到發引紹興府令本府於城外迎奉處排祭一座於報恩光孝觀設道場三晝夜仍禁止音樂其禁樂俟掩橫宮畢仍舊詔依

二十三日禮部太常寺言今續次條具到梓宮發引申請下項一九月二十六日發引用未時八刻後百官

城外奉辭訖次詣常御殿門外進名奉慰外次進名慰
皇太后及乞次日作歇泊假一發引日皇帝詣龍德
宮門外行遣奠之禮竊慮至日不測雨降令臨安府同
儀鸞司預先紱縛幕幄仍稍加高闊不得妨礙龍輅大
昇輦道路詔依

啟奠祖奠遣奠儀

其日少府監帥其屬預進龍輅各於梓宮之前次有司
設牙床寶禮料俟時前皇帝自內服忌日之服乘輦出
內詣龍德宮殿門外降輦歸御幄簾降時前行事陪位
官並就次易總麻服訖次禮直官引讀祝文官進幣爵
酒官酌酒官各升殿就位立次引皇親南班官并諸親
及總護使司屬官并行事侍中等詣殿下北向依官序

立定次禮直官引太傅次引總護使於班前立定前導太常卿博士禮直官立於御帳之前俟皇帝易總麻服訖閣門報班齊禮直官太常博士引太常卿當帳前俛伏跪奏稱太常卿臣某言請皇帝詣徽宗皇帝梓宮前行啟奠之禮奏訖伏興退復位立奏請拜皇帝再簾捲前導官前導皇帝詣徽宗皇帝梓宮殿下西向褥位立奏請拜皇帝再拜在位官皆再拜訖次內侍進盥洗又奏請拜皇帝再拜在位官皆再拜訖次盥手悅手內侍進巾爵又奏請皇帝洗爵拭爵前導官前導皇帝升詣徽宗皇帝梓宮香案前北向立次禮直官引太傅升殿後從奏請皇帝跪上香再上香三上香進幣爵酒官西向跪先進幣次進爵酒又奏請皇帝受幣奠幣執爵三

祭酒奠爵俛伏興進幣爵酒官退歸本班又奏請皇帝
少立讀祝文官東向跪讀祝文訖興歸本班奏請皇帝
舉哭在位官皆舉哭俟哭止奏請拜皇帝再拜在位官
皆再拜訖次前導官前導皇帝詣殿下褥位西向立禮
直官引太傅降階復位立奏請拜皇帝再拜在位官皆
再拜訖前導官前導皇帝權歸幄簾降前導官陪位官
先詣顯肅皇后懿節皇后梓宮殿下立班定俟皇帝詣
顯肅皇后懿節皇后梓宮殿東廊御幄簾降閣門報班
齊禮直官太常博士引太常卿當幄前俛伏跪奏稱太
常卿臣某言請皇帝詣顯肅皇后懿節皇后梓宮前行
啟奠之禮奏訖伏興退復位簾捲前導官前導皇帝詣
顯肅皇后梓宮殿下西向褥位立奏請皇帝再拜在位

官皆再拜訖次內侍進盥洗又奏請皇帝盥手悅手內侍進巾爵又奏請皇帝洗爵拭爵前導官前導皇帝升詣顯肅皇后梓宮香案前北向立次禮直官引太傅升殿後奏請皇帝跪上香再上香三上香進幣爵酒官西向跪先進幣次進爵酒又奏請皇帝受幣奠幣執爵三祭酒奠爵俛伏興進幣爵酒官退歸本班又奏請皇帝少立讀祝文官東向跪讀祝文訖興退歸本班奏請皇帝舉哭在位官皆舉哭俟哭止奏請拜皇帝再拜在在位官皆再拜訖次前導官前導皇帝詣懿節皇后梓宮香案前北向立次禮直官引太傅後從奏請皇帝上香再上香三上香進幣爵酒官西向先進幣次進爵酒又奏請皇帝受幣奠幣執爵三祭酒奠爵進幣爵酒官退

歸本班又奏請皇帝少立讀祝文官東向跪讀祝文訖興退歸本班奏請皇帝舉哭在位官皆舉哭俟哭止奏請敘欽不拜在位官皆再拜訖次前導官前導皇帝詣殿下禱位西向立禮直官引太傅降階復位立奏請拜皇帝再拜在位官皆再拜訖前導官前導皇帝歸御幄簾降前導陪位官權退於殿門外俟時至禮直官引侍中詣徽宗皇帝梓宮前俛伏跪奏稱攝侍中臣某言請徽宗皇帝梓宮升龍輜奏訖伏興次詣顯肅皇后懿節皇后梓宮前奏請並如上儀訖退次將作監依次捧梓宮登龍輜訖有司設牙床實禮料畢次引前導陪位官立班定閤門報班齊皇帝行祖奠之禮奏請前導行禮如故奠之儀宋會要前導官導皇帝升詣徽宗皇帝梓宮之東西向禱位立前導官班退禮直官引太傅并總攷使詣皇帝禱

位侍中東西向立本司馬官先退龍德宮門外次中直某官
引侍中詣西向立本司馬官先退龍德宮門外次中直某官
言諸后梓宮前奏請並如發上奏儀訖伏興次詣少卿御執
節皇詣后梓宮前奏請並如發上奏儀訖伏興次詣少卿御執
節皇詣后梓宮前奏請並如發上奏儀訖伏興次詣少卿御執
從行次皇梓宮龍轎進發次顯降肅皇梓宮引侍節皇詣
次引至龍德宮門外皇前伏跪奏禮降前導官某官
宗皇與次顯引太傅后率梓宮升后大昇龍有司設哀用并奏
訖伏與次顯引太傅后率梓宮升后大昇龍有司設哀用并奏
牙床香案次實故禮位官畢次引直官引太傅各爵班酌酒
各就位次立次實故禮位官畢次引直官引太傅各爵班酌酒
門班齊次實故禮位官畢次引直官引太傅各爵班酌酒
奏板太常卿直官某官太傅官次引直官引太傅各爵班酌酒
節皇梓宮前行遠奠之禮奏訖伏興次詣少卿御執
導官導皇梓宮前行遠奠之禮奏訖伏興次詣少卿御執
監手悅帝內侍進中爵又梓宮前奏請並如發上奏儀訖
前尊皇梓宮前行遠奠之禮奏訖伏興次詣少卿御執
帶次進爵酒又奏請皇梓宮前行遠奠之禮奏訖伏興次詣少卿御執
帶爵酒又奏請皇梓宮前行遠奠之禮奏訖伏興次詣少卿御執
舉哭在官位東向皆跪讀哀哭候哭止奏請退致飲本班又奏請官皆
舉哭在官位東向皆跪讀哀哭候哭止奏請退致飲本班又奏請官皆

卷二百四十五

中興禮書第二百四十六卷

凶禮十一

永祐陵

遷奠掩橫

紹興十二年九月十一日禮部太常寺言梓宮發引至橫宮合行遷奠掩橫宮之禮今參酌合行事件下項

一遷奠行禮官一員乞降勅差總護使一掩橫宮行

禮官一員乞降勅差太常少卿一合用祝文六首

三首

述以行遷奠之意三首御封降真香六合幣帛六段

述以行掩橫宮之意

一合用禮料酒齊蠟燭等乞從太常寺具數報紹興府

排辦一合用香爐匙合炭火等乞下諸司排辦一

合用羊豕各六口下紹興府收買仍差宰手祇應一

合差光祿卿一員乞降勅差禮部郎官 一遷奠合差奉禮郎太祝太官令各一員乞於總護使司屬官內官差 一掩櫓合差奉禮郎太祝太官令各一員乞差太常博士主簿 一合差專一守宿照管御書香祝親事官二人及合用裝載御封香祝祭器牙床三百料網船五隻乞令兩浙轉運司差撥詔依

二十二日禮部太常寺言十月七日丁時掩櫓宮今參酌條具合行事件下項 一依禮例掩櫓宮日文武百僚詣常御殿進名奉慰次進名慰皇太后仍乞是日百司作休務假一日 一合差定時尅擇官一員下太史局差 一欲乞掩櫓宮畢總護使以下依故事進慰表并進表慰皇太后詔依

二十三日太常寺言十月七日掩櫓前一日奏告昭慈
聖獻皇后橫宮合差奏告官一員乞從總護使司於隨
從梓宮南班宗室內差前一日赴泰寧寺致齋詔依
十一月四日詔修奉橫宮梓櫓了畢萬侯高鄭惟年
宋唐卿李珪各轉兩宮一行官屬人吏諸色人等第推
恩有差同日詔楊道頓遞使司官屬排班並無開官
一第轉一官減二年磨勘第二等轉一官資修堪開官
減半遷行人
比類施行

遷奠儀

其日於興梓宮時前行事陪位官並服總麻服有司於
各梓宮前設牙床祭器實設禮料先引侍中以下并諸
皇親諸親詣殿下北向立次引太官令監視實設畢次
引光祿卿點閱訖光祿卿先退次引奉禮郎太祝太官
令各入就徽宗皇帝梓宮殿下北向立次引總護使詣

徽宗皇帝梓宮殿下西向立定禮直官揖躬拜總護使
以下皆再拜訖引奉禮郎太祝太官令升殿各入就位
次引總護使詣盥洗位北向盥水悅手訖升詣徽宗皇
帝梓宮前跪上香再上香三上香奉禮郎西向跪奉幣
總護使受幣俛伏興再拜訖降階復位少立次引總護
使再詣盥洗位北向盥手悅手洗爵拭爵訖升詣梓宮
前尊所西向跪執爵太官令跪酌酒總護使詣
梓宮前跪執爵三祭酒奠爵俛伏興少立太祝東向跪
讀祝文訖總護使再拜訖降階復位立次引總護使詣
望燎位南向立奉禮官太祝太官令重行立有司燎祝
幣訖總護以下退次詣顯肅皇后懿節皇后梓宮前行
遷奠之禮並如上儀訖次監察御史將作監並監攢掩

宮次少保復土九鍾又引太常卿行掩櫬宮之禮
奠之儀

挽詞

紹興十二年八月二十七日禮部太常寺言參酌討論
到徽宗皇帝顯肅皇后懿節皇后梓宮發引依昭慈聖
獻皇后禮例令翰林學士中書舍人共撰挽詞二十首
降付太常寺教習今來欲依禮例差官各撰挽詞詔依
九月七日權禮部侍郎施垓等言將來徽宗皇帝梓宮
發引雖已降指揮依昭慈聖獻皇后禮例翰林學士中
書舍人撰挽詞二十首緣今來事體至重欲乞依故事
更令文班職事官已上各撰挽詞二首詔依

御製徽宗皇帝挽詞五章

翰林學士中書舍人并文班職事官

其一

若昔龍飛日天臨靖國初訓詞勤太母謙德避宸居孝
悌踰三遜乾坤只一如璿揮今對越千古炳成書

其二

崇觀皇化熙然治具修憂勤居寶紹述先猷武德
超三畧文思訪九疇禮神恭太漠上漢痛難留

其三

黼宸宣和際元良睦注深倦勤營位傳出誠心慈
愛初終似姦回反復侵更堪夷狄禍劬悵

其四

問使衣裳信親毫付託隆繼明慚菲德保國痛深哀罔

極悲霜露時思愧耿冲哀哀孤子恨孺慕向旻穹

其五

虛位稽山靜靈輶寢廟安綺城非洛下帳殿且江干大
隧宸儀隔哀歌薤露殘莫能成末命淚滿越波寒

小祥小祥

紹興七年十二月九日宗正少卿兼權太常少卿馮楫
言來年正月二十五日聖文仁德顯孝皇帝顯肅皇后
小祥日檢照國朝故事所載不視事輔臣等詣几筵前
奠醑并放臣僚見謝辭日數例各不同所有將來小祥
日欲參酌比附下項後批送禮部看祥申尚書省本部
看詳欲依劄子內侍事理施行 一小祥日依永熙陵
故事前後各不視事三日及隨不視事日分放臣僚見

辭謝

一自小祥前依永厚陵故事命輔臣至時刻

管軍臣僚正任觀察使皇親遙郡 禦使 詣几筵

殿奠醑三日止合用供養食茶酒果從本寺開報御厨

翰林司排辦 一小祥日依指揮是日皇帝詣几筵殿

行祭奠之禮如宮中之儀俟皇帝行禮畢還內次宰執

率文武百僚詣常御殿門外進名

香是日百司作休務假一日詔依

十九日馮機又言來年正月二十五日徽宗皇帝顯肅

皇后小祥日行宮未有該載欲乞是日留守已下進表

奉慰訖次詣佛寺行香訖退亦乞作休務假一日詔依

八年正月十一日行香宮禮部太常寺言契勘遇祖宗

帝后同日兩忌行香係於法惠寺殿上東西釘設幄次

及設位位牌御史臺太常寺閤門分引百僚立班定禮
直官揖躬拜留守以下再拜引留守升殿令人接引同
升殿詣香案前引舍人接揖笏上香跪奠茶訖執笏伏興
降階復位又再拜次引留守以下分左右揖笏行香執
笏俱復位次引留守升殿詣香案前俛伏跪揖笏執爐
俟讀疏文畢執笏伏興降階復位又再拜訖直身立禮
直官揖躬拜留守以下再拜訖次引升殿詣次位行禮
行香升殿拜數並如上儀訖留守班退餘官以次退所
有將來小祥日行香欲乞並依上件忌

依

大祥

紹興八年八月二十五日禮部太常寺言檢會永厚陵

故事熙寧元年十月二十六日詔將來大祥

府軍監各就寺觀破係省錢請僧道三七人建道場七晝夜罷散日設醮一座各施看經施利錢三十貫道士少處只據人數設醮將來紹興九年正月二十五日徽宗皇帝顯肅皇后大祥諸路州縣建置道場設齋醮等欲乞依上件故事施行詔依

十一月二十九日禮部太常寺言將來大祥今先次檢照故例參酌條具到合行事件 一依國朝故事大祥日几筵殿除靈坐時前皇帝躬親扶護几筵東南別設一祭祝文如遣奠之意今欲依上件故事施行所有祝文乞下學士院修撰 一依國朝故事大祥後間月擇日行禪祭至晦日而除改朔從吉今欲乞依上件故事

施行仍乞下太史局於來年 月 擇 祭 分所有

供進御服并見應奉從物等及禁衛裝著服色合自四月一日並從吉 一檢會永昭陵故事大祥前後禁屠宰一十二日所有將來正月二十五日大祥欲依上件故事禁屠宰一十二日仍自來年正月十九日為始至正月三十日 一所有將來正月二十五日大祥欲乞依永昭陵故事自正月二十日 以 管軍臣

僚遙郡觀察使宗室遙郡防禦使以上詣几筵殿奠酹自是日一奠內宗室遙郡緣行在員數不多乞應宗室南班官並許赴赴至二十四日群臣皆入奠仍乞依故事到闕未見遷官未謝已辭未發並聽隨班入奠 一合用奠几筵利方乞下太史局指定供報都大所取詣

施行詔依 十二月七日禮部太常寺言將來大祥今
續有申請事件 一合用籍祭牙床二張銅小麻爐香
匙燭臺並乞下工部指揮文思院製造 一合用羊豕
各二口下臨安府收買赴牛羊司入滌養餵及差宰手
等祇應詔依 九日大祥除几筵禪祭都大主管所言
將來焚几筵合用利方據尅擇官相視到修內司後第
三鋪一帶空地一段照望在大內西北係是利方并取
到禮直官狀上件利方於本寺典禮別無方礙詔依
十三日禮部太常寺言將來大祥除几筵依禮例時前
禮儀使先行奏告之禮合 祝文二

首 並述以除几筵奏告又意詔依 十六日禮部太常寺言今條具
到下項 一檢會國朝故事大祥日前後殿不視事一

十二日所有將來大祥不視事日分欲乞依前項故事施行合自來年正月十九日至三十日 一依故事大祥日百官起居權罷舞蹈所有將來大祥日百司官起居權罷舞蹈 一依故事大祥前後停決大辟一百二十日所有將來大祥欲依前

十九

日行在停決大辟至三十日詔依 十七日禮部太常寺言今檢照故例條具到合行事件 一檢會永定陵故事大祥日釋衰服服祥服素服紗軟脚幞頭白羅袍黑銀帶至禪祭日釋祥服服禪服素紗軟脚幞頭淺色黃羅袍黑銀帶將來大祥并禪祭日皇帝所服欲依故事施行 一大祥日皇帝自內服衰服出至幄舉哭俟哭止釋衰服服祥服以俟行禮至禪祭日皇帝自內

服祥服出至幄舉哭俟哭止釋祥服服禪服以俟行禮

一合用祥服乞下工部指揮文思院製造赴御藥院

送納一至日俟釋衰服訖所有衰服欲依故倒差內侍

官一員拘收於利方監視焚燒仍差尅擇官指引詔依

同日禮部太常寺言將來大祥依國朝故事合行祥

祭之禮今條具到合行事件下項 一合用御封降真

香二合祝文二首一首述以為徽宗聖文仁德顯孝皇

祭奠之意幣帛二段悅一首述以為顯 一合用香

爐匙合炭火及禮畢掌管焚祝幣並乞從几筵提舉欽

奉所指揮下本殿排辦 一合用羊豕各二口依例下

臨安府收買赴牛羊司 一合用禮料酒齊蠟燭燎草

等乞從太常寺依例具數下臨安府排辦 一合用饌

造神食什物鍋竈等並乞下臨安府於行宮北門外踏

逐排辦詔依 二十二日禮部太常寺言將來大祥除

几筵依故例合差禮儀使赴行宮門內幕次宿齋係差

宰臣充詔依宋會要詔命南書左僕射秦檜依同日禮部太常寺言將

來大祥已降指揮輔臣等詣几筵殿奠醑今具申請事

件下項 一昨自建康府迎奉几筵回臨安府其經過

州縣官係權易皂帶立班奉迎所有將來大祥應合赴

几筵殿奠醑立班官欲比附前項禮例俟至殿門外幕

次並權易皂帶佩魚立班奠醑訖歸幕次換吉服退

一將來奠醑每日合用香炭火香爐匙合等乞令几筵

殿排辦供養牙盤食茶酒果從太常寺闕報御厨翰林

司排辦詔依 二十五日禮部太常寺言今參酌到合

行事件 一禮使時前行禮供設上香炭火及禮畢掌
管焚燒祝文並乞從几筵提舉欽奉所下本殿排辦
一禮儀使前一日早晚上香并時前奏告合用蠟燭燎
草下臨安府排辦內燎草皇城司放入并合用供養牙
盤食茶酒果乞從都大主管所行下諸司排辦詔依
二十九日禮部太常寺言檢會國朝故事大祥群臣詣
西上閤門進名奉慰退赴佛寺行香仍作休務假所有
將來正月二十五日徽宗皇帝顯肅皇后大祥欲乞至
日俟皇帝赴几筵殿禮畢還內文武百僚詣常御殿門
外進呈奉慰訖次赴法惠寺行香訖退仍作休務假一
日其修撰疏文行香等並乞依祖宗帝后忌辰行香禮
例排辦詔依 九年正月十五日禮部太常寺言勘會

正月二十五日徽宗皇帝顯肅皇后大祥今條具下項

一合差焚几筵舉火內侍官一員今欲乞令都大主

管所差其合用火燭柴草令諸司排辦一時前皇帝

躬親扶護几筵東南別設一祭緣今來几筵殿上委是

窄隘所有殿上見鋪設供養花版什物等俟禮儀使燒

香畢令本殿並行徹去一大祥日已降指揮宗室南

班官顯肅皇后本家親屬陪位依例亦合宿齋詔依同

日禮部太常寺言正月二十五日大祥至日皇帝行祥

祭之禮畢次躬親扶護几筵東南別設一祭并禮儀使

時前先行祭告之禮依故例合行差官下項一合差

進幣爵酒官一員欲差六曹郎官一合差酌酒官一

員欲差太常丞一禮儀使時前奏告差讀祝文官一

員欲差六曹郎官並乞降勅詔依大祥并新親執奠几

十六日禮部太常寺言檢會永定陵故事大祥前後東南別設一祭儀

各五日不行刑罰所有將來二十五日徽宗皇帝顯肅

皇后大祥欲乞行在依前項故事施行詔依十九日

大祥除几筵禪祭都大主管所言勘會昨昭慈聖獻皇

后焚几筵合差舉火官係差本殿幹辦官一員今來徽

宗皇帝顯肅皇后焚几筵係二殿欲差本殿幹辦官二

員舉火其合用柴草乞下臨安府應副詔依

二十一日大祥除几筵禪祭都大主管所言據禮直官

申今月二十五日徽宗皇帝顯肅皇后大祥除几筵其

禮儀使係於未開門時前行奏告禮所有行事陪位官

前夕並皇城司

時合赴几筵殿陪位係經由南

北宮門緣近降指揮晝夜更互排立今欲乞俟見前項
行事官等到門依上件指揮教令出入詔依

中興禮書第二百四十七卷

凶禮十二

永祐陵

禫祭

紹興九年二月二十七日禮部太常寺言已降指揮大祥後間月擇日禫祭祭之禮今參酌到合行事件一

合用御封降真香二合祝文二首

並述以爲藏宗聖文仁德顯孝皇帝顯肅

皇后行禫祭禮之意

幣帛二段

一合用香爐匙合炭火及禮畢

掌管焚祝幣柴草並乞從禫祭都大主管所行下諸司

排辦

一合用羊豕各二口乞下臨安府收買赴牛羊

司一合用禮料酒齊蠟燭燎草藉祭器席牙床等下

臨安府排辦內牙床二張乞下工部指揮文思院製造

一合用位牌二面下臨安府製造訖赴儀鸞司送納
所有合用帷次二座并朱紅倚子踏床二副燭臺銅麻
爐並乞令儀鸞司排辦 一禪祭前一日禮儀使并行
事前導陪位官欲乞依昨神主祔廟禮例前一日各宿
於本司內宗室乞于宗學鄭宅親屬乞於法惠寺仍乞
至日行宮北門并行禮殿門並早一刻開門放令行事
官祇應人入殿排設行禮 一今來行禪祭禮係除几
筵之後其禮儀使并行事前導陪位官供詞執事內侍
及扈從官依禮例並合常服立班行事 一禪祭日已
降指揮用三月十七日丁酉吉詔依

三月九日禮部太常寺言檢會國朝故事釋祥服行禪
祭禮日前後各一日不坐其日不視事文武百僚進名

奉慰訖次詣佛寺行香將來三月十七日皇帝釋祥服
行禪祭禮欲乞並依前項故事仍於法惠寺行香依禮
例作休務一日詔依禪祭禮除日三月二十九日

二十四日禮部太常寺言勘會三月二十九日太常皇
帝章獻明肅皇后仁宗皇帝忌同日係徽宗皇帝顯肅
皇后禪除日百僚奉慰今欲乞是日文武百僚先詣常
御殿門外進名奉慰訖次詣法惠寺先行忌辰行香禮
畢權歸幕次以俟禪除立班行香詔依

禪祭儀

其日夙興前太常入陳祭器供設禮饌次禮直官引禮
儀使執事陪位官各就位立定次禮直官太常博士太
常卿於幄前立定皇帝夙興自內服祥服詣禪祭行禮

殿側御幄前請皇帝舉哭俟哭止釋祥服服禪服訖次禮直官太常博士引太常卿當幄前俛伏跪奏稱太常卿臣其言請皇帝為徽宗皇帝顯肅皇后行禪祭之禮奏訖俛伏興簾捲前導官前導皇帝出幄詣殿下褥位西向立奏請拜皇帝再拜在位官皆再拜訖內侍進盤匱奏請皇帝盥手內侍沃水又奏請皇帝悅手內侍進巾皇帝悅手訖次內侍進爵又奏請皇帝洗爵內侍沃水又奏請皇帝拭爵內侍進巾皇帝拭爵訖前導官前導皇帝升詣徽宗皇帝神位前褥位奏請皇帝跪上香再上香三上香進幣爵酒官先進幣次進爵又奏請皇帝受幣奠幣執爵三祭酒於地奠爵俛伏興又奏請皇帝少立讀祝文官跪讀祝文訖又奏請哭再拜皇帝舉

哭再拜在位官皆舉哭再拜訖哭止初皇帝再拜禮直
官先引執事官詣顯肅皇后神位前各就位立定俟皇
帝詣顯肅皇后神位前褥位奏請皇帝跪上香再上香
三上香進爵爵酒官先進幣次爵又奏請皇帝受幣奠
幣執爵三祭酒於地奠爵俛伏興又奏請皇帝少立讀
祝文官跪讀祝文訖又奏請舉哭再拜皇帝舉哭再拜
在位官皆舉哭再拜訖哭止前導官前導皇帝降階詣
殿下褥位西向立奏請拜皇帝再拜在位官皆再拜訖
前導官前導皇帝歸幄簾降次禮直官太常博士引太
常卿當幄前俛伏跪奏稱太常卿臣某言禮畢奏訖俛
伏興前導陪位官以次退皇帝還內次禮儀使執事官
詣望燎位立俟焚祝幣訖退

塑製安奉神御

紹興九年正月十三日禮部太常寺言將來正月二十
五日徽宗皇帝顯肅皇后大祥依國朝故事大祥後迎
奉神御赴景靈宮等處奉安今具合申請事件下項
一將來塑製徽宗皇帝神御合依會聖宮啟運宮神御
所服冠服法衣塑製候逐宮報到乞從太常報都大主
管官依故事塑製施行 一合塑製徽宗皇帝神位三
位一位迎奉赴景靈宮奉安見在温州一位迎奉赴會聖宮
奉安見在景靈宮別殿一位迎奉赴啟運宮奉安見在福州開元寺
一合塑製顯恭皇后神御一位顯肅皇后神御一位景
靈宮奉安 一會到景靈宮主管奉迎所稱逐殿見奉
安神宗皇帝哲宗皇帝並係漆塑戴幘頭寬袖淡黃服

底現紅銷金領袖塑出紅鞋作素玉帶黑靴尖白底通袖不現手勘會今來塑製徽宗皇帝神御除靴合改作朱履外餘乞依上件禮例塑製一昨塑製昭慈聖獻皇后神御尋會到神主御提點所稱遂殿見奉安欽聖憲肅皇后昭懷皇后並係漆塑首飾花環六挿冠並用假珠子結團青雉朱衣履草帶係皇后服勘會今來塑製顯恭皇后顯肅皇后神御乞依上件禮例塑製詔依二月十三日啟運宮奉迎所申准省劄太常寺申會見今奉安神宗皇帝哲宗皇帝見服是何冠服法衣安座龍倚等本所契勘本宮見奉安神宗皇帝哲宗皇帝神御係以漆胎彩繪如存裝素頂通天冠絳紗袍方心曲領環佩朱履等並如禮制執真玉圭元坐龍床昨自迎

奉到福州日製造龍倚目今安座後批送禮部行下太常寺照會三月十二日塑製都大主管所言據冠擇官選定塑製神御下手吉日時刻三月十九日丁時三月二十二日乙時並旨詔用三月十九日

十四日塑製都大主管所言契勘塑製神御近會到御座不同今欲乞並休景靈宮啟運宮例止造龍椅詔依四月五日禮部太常寺言今來塑製神御俟將來畢工合行奉迎赴逐宮奉安所有合供設香案花瓶繖扇等依昨塑製昭慈聖獻皇后故例係塑製所管認料造內香爐等金鍍銀製造今具下項 一塑製徽宗皇帝神御三位內一位迎奉赴景靈宮一位迎奉赴會聖宮一位迎奉赴啟運宮奉安每位各合用香爐匙合花瓶

一副黃羅織二黃羅扇四黃絹油兩織二香案一座

衣油絹帳一塑製顯恭皇后顯肅皇后神御合奉迎

赴景靈宮奉安每位各合用香爐匙合花瓶一副紅羅

織二紅羅扇四紅絹油兩織二香案一座

紅案衣油絹帳

詔依五月八日臣僚上言竊聞近日塑製神御及造

龍輿禕衣之類所用工料浩瀚緣事體重大有司難以

輒行幾察竊慮逐處妄有支破或致侵欺欲望嚴立約

束應上件諸局以前及日後闕請料次錢并非泛下諸

府庫取索到物料並仰具數申尚書省照會候將來結

局即具細破帳申請送所屬磨覆仍闕報戶部及御史

臺以糾察詔依

十月十九日塑製都大主管所言塑製徽宗皇帝顯恭

皇后顯肅皇后神御已畢工詔令禮部太常寺討論奉安處所屬聞奏

二十二日禮部太常寺言勘會依禮例塑製了畢合擇日迎奉於景靈宮會聖宮啟運宮奉安今來若便自行在迎奉徽宗皇帝顯恭皇后顯肅皇后神御五位經由台州等處往溫福州奉安其所差禮儀使及官屬一行儀衛諸色祇應人等近千餘人 在冬月經涉州縣虛有勞費及將來却同溫福州神御往湖州奉安徒煩往復今討論欲且於內中天章閣權行奉安俟將來迎奉溫福州神御往湖州奉安日乞令太常寺別行申請詔依

十一月三日禮部太常寺言已降指揮塑製神御畢工

於內中天章閣權奉安見今塑製所官每日上香并照
 管本殿事務竊慮本殿關官幹辦今乞下入內侍省
 差官二員權行幹辦分番宿直照管至奉安日罷詔依
 九日禮部太常寺言已降指揮於內中天章閣奉安神
 御依禮例合差禮儀使一員係差宰相或執政官及都
 大主管官一員差近上內侍官乞憐降勅差官詔依
 十年二月六日禮部太常寺言今來塑製神御工畢今
 條具到合行申請下項 一奉安前一日欲乞皇帝齋
 於內殿視事如常有司不奏刑殺文書奉安日前後殿
 不視事作休務假一日內前一日視事乞于常御殿
 一合用御封降真香二 一合內三合行告遷之禮六合奉安便
 前一日禮儀使早晚上香三合奉安時前禮儀使奏計
 告三合皇帝行酌獻禮三合皇帝行燒香禮三合禮儀

使奉安祝文六首內三首述以後告還時前奏告藏崇皇
行禮以西棧奉安之意三首一侍臣一員俟使臣酌茶
述以行禮奉安禮之意

酒畢接盞跪進皇帝乞降勅于給舍內差官一今來

神御五位每位合差扶侍夾侍各二員並兼捧還掌香

火官三員乞從都大主管所報入內內侍省差一神

御經由門戶道路乞從都大主管所預行相度報修內

司修築一禮儀使告還時奏告并奉安行禮前後殿

各合差太祝一員乞降勅差太常丞博士一奉安神

御日時前皇帝親行酌獻禮并至天章閣西神御殿行

燒香禮及禮儀使奉安禮欲乞使相執政官宗室南班

以上陪位立班一奉安前一日禮儀使侍臣前導官

并太祝宗室南班以上及兩后親屬依禮例並前一日

赴內中幕次宿齋詔依三月二十二日禮部太常寺言奉安徽宗皇帝顯恭皇后顯肅皇后神御若至日值雨次日車駕自常御殿乘輦詣天章閣西神御前行燒香之禮今欲乞令前導官并陪位宰執使相宗室南班及兩宅親屬至日先於天章閣過道門外北向迎駕起居訖次詣神御殿下立班前導詔依

御容

興六年六月一日禮部太常寺言準龍圖天章寶文顯謨徽猷閣狀今準供奉官謝安常降到道君皇帝寧德皇后御容四匣御寶封全付天章閣收奉本閣恭依收奉訖所有崇奉令禮部太常寺同共討論聞奏今討論合依禮例擇日奉安本閣官燒香其合用香令本閣關

入內侍省取降太史局擇日俟奉安訖已後並合依
祖宗諸后例崇奉詔依

十二年八月十七日權禮部侍郎施垌等言勘會諸陵
下宮係同殿崇奉帝后御容依禮例諸后神臺內有祔
於別陵其御容止於本陵下宮崇奉將來修奉永固陵
櫓宮下宮畢禮例合前殿崇奉徽宗皇帝顯恭皇后顯
肅皇后後殿崇奉懿節皇后又緣顯恭皇后御容見今
天章閣崇奉止有一軸今相度欲乞令見今傳寫懿節
皇后御容官一就傳寫顯恭皇后御容一軸將來迎奉
赴永固陵下宮崇奉詔依

二十七日禮部太常寺言永固陵修奉使司狀已降指
揮修奉櫓宮其崇奉徽宗皇帝顯肅皇后懿節皇后御

容下宮今修奉所體倣見修蓋到龍德宮間創修奉
本司今畫到圖本係前後兩殿并面西櫺星門一座契
勘將來下宮崇奉御容三位未審更有無合增修殿宇
及櫺星門合與不合面南作三座修奉送禮部太常寺
討論申尚書省今討論修奉下宮合依龍德宮間例修
蓋其前殿係安奉徽宗皇帝顯恭皇后顯肅皇后御容
後殿係安奉懿節皇后御容即更別無增修殿宇外其
櫺星門止合作一座面南修蓋詔依

九月十五日禮部太常寺言永固陵橫宮修奉都護楊
存中等劄子勘會修奉下宮依近降指揮合前殿崇奉
徽宗皇帝顯恭皇后顯肅皇后御容合以西為上後殿
崇奉懿節皇后御容詔依 十八日禮部太常寺言修

奉都護楊存中等劄子勘會見修奉永固陵橫宮依已降指揮於上宮後修蓋下宮契勘昭慈聖獻皇后橫宮安設神帳見在上宮其御容係於泰寧寺用匣收奉欲將今來見造逐位帳座器皿等並於下宮安設崇奉其上未審合與不合更設虛位後批送禮部太常寺討論申尚書省勘會依祖宗禮例其陵寢下宮係崇奉御容安設神帳上宮係設虛位昨昭慈聖獻皇后下宮係將泰寧寺擗截作下宮崇奉御容緣為泰寧寺窄隘遂將神帳在上宮安設今討論永固陵橫宮下宮前殿崇奉徽宗皇帝顯肅恭皇后顯肅皇后御容後殿崇奉懿節皇后御容內神帳等並合在下宮安設其上宮依禮例合設虛位詔依

二十一日殿橫發都大主管所言據太常寺兼祗應狀
九月二十六日發引所有御容三位依故例於天章閣
前期請降迎奉赴永固陵下宮安奉乞委官請降沿路
照管詔依

二十二日禮部太常寺言將來十月七日掩橫宮畢下
宮安奉徽宗皇帝顯恭皇后顯肅皇后懿節皇后御容
乞就差太常少卿行奉安燒香之禮所有合用供養牙
盤食茶酒果乞令紹興府排辦內顯恭皇后一位未曾
製造器皿香案香爐匙合 茶盃子鈔鐺盆臺等亦乞
令紹興府預行計置排辦施行詔依

筵前後已申降到畫一指揮施行今來合用椅卓
香紫花瓶麻爐衣架奠茶酒盆臺盃子應辦物件並
乞於天章閣臨安府權行闕借使用事畢送納詔依
二十八日金安節等言六月五日孝慈淵聖皇帝小祥
行禮并以後行禮竊慮不測兩降欲乞令修內司儀鸞
司臨安府自和寧門西便門素帷前隨宜接連結縛露
屋至几筵殿東素帷祇備車駕經由道路并於北宮門
外東壁以北結縛屋一十間及於西便門外已結縛屋
前更行結縛屋一十間充百官立班使用詔依

六月十三日几筵欽奉都大主管所言據主管諸司申
故例諸司合於釋服後罷今依太常寺已申請以日易
月合係六月十九日禪除今欲乞自禪除日立限十日

結罷今來都大主管所亦合候釋服後結罷所有几筵
提舉欽奉所職事乞差官施行詔几筵欽奉所職事就
差林肇提舉餘依

九月十六日詔遇朔望等百官几筵殿燒香退赴文德
殿進名奉慰訖許出皇城南門

立重

紹興三十一年五月二十二日權禮部侍郎金安節等
言今來孝慈淵聖皇帝升遐依故事成服日立重今欲
乞自聞喪次日立重令太史局就日內擇時安立所有
合修製重亦乞下本局并文思院修製 太史局申
選到立重招寬日時宜用本月二十三 時吉詔依

赴臨

紹興三十一年五月二十二日權禮部侍郎

金安節等言今未孝慈淵聖皇帝升遐後應文武

百官並常服黑帶去魚入詣几筵殿下臨訖退至申

時晡臨其舉哀成服日百司作休務假一日詔依

同日又言二十三日立重用丙時所有朝臨緣已過時

其入臨文武百官候至時立重訖先赴几筵前臨訖權

退俟申時晡臨依典故未成服以前在京文武臣僚陞

朝官以上及職事官并近臣列授每日朝晡臨於几筵

殿之內外自成服後朝晡臨三日次朝臨三日止詔依

同日又言檢會祖宗累朝舊制喪服以日易月二十七

日而除行在除陞朝官以上及職事官合赴朝晡臨諸

軍統制統領官輪日赴臨並成服其餘將副并部隊將

管隊使臣并散使臣陞朝官以上又將校副指揮使以
常服哭於本營三日而止其常日朝散祇應排立行門
禁衛班直將校副指揮使以上并御前忠佐候百官赴
臨即哭於殿門外在外州縣長吏以下成服朝晡臨三
日而除沿邊不用舉哀一應士庶婚嫁服除外不禁今
欲依典故施行詔依應諸路監司州府軍監等除慰表
外餘並免進

同日殿前馬步軍司言今來逐司諸軍統制統領將佐
等每日早晚赳赳入臨并至日成服緣管幹軍馬多在
城外竊慮有妨照管伏望特降指揮免入臨就寨掛服
詔依

二十三日金安節等言

成服日并大小祥禫百官

入臨訖俟行禮畢並乞 几筵殿消 帳前致詞奉慰
次移班於几筵殿門外進名慰皇后其朔望百官入臨
訖進名奉慰并拜表請皇帝聽政日分並乞於几筵殿
門外南向立班如服除並常服黑帶於文德殿立班詔
依

二十七日太常寺言今月二十七日宰執以下詣几筵
殿晡臨緣值雨其立班處窄隘欲乞止令本殿官燒香
宰執以下免赴詔依

六月三日金安節等言六月十五日己後朔望入臨及
奉慰今檢會永定陵典故係自禪除後山陵前每遇朔
望羣臣入臨進名奉慰所有六月望日緣百官並未釋
服欲乞並服孝服入詣几筵殿臨訖退於几筵殿門外

進名奉慰并乞自六月十九日禪除後至祔廟前遇朔望百官並常服黑帶詣几筵殿入臨訖退次赴文德殿門外立班進名奉慰其入臨如值雨乞依五月二十七日指揮免臨詔依

成服

紹興三十一年五月二十二日詔孝慈淵聖皇帝升遐朕當持斬衰三年之服以申哀慕

同日禮部侍郎金安節等言今具合行事件 一聞喪日皇帝合服初喪服白羅袍黑銀帶絲鞋白羅軟脚折上巾 一依故事成服日皇帝服斜巾四脚裙袴冠帽竹杖腰經首經直領大袖布襖衫白紗襯衫皇帝視事日去杖首經小祥日改布四脚直領布襖衫腰經布袴

大祥日服素紗軟脚折上巾淺黃袍黑銀帶所有前項衣服乞令工部下文思院日下計會御藥院製造供應

一依故事擬定群臣服制中書門下樞密使副尚書

翰林學士節度使金吾上將軍文武二品以上並斬衰

服斬衰下不解布頭冠布斜巾布四脚大袖襖衫裙袴腰經

首經竹杖絹襯衫文武五品以上并職事官監察御史

以上內客省宣政宣昭使知閤門事及入內都知押班

布頭冠布四脚大袖襖衫袴腰經自餘文武百官三省

樞密院書令史以上及御史閤門太常寺引班祇應人

布四脚襖衫腰經內外命婦合入臨人冠仍加布裙衫帔

無故人不首經絹襯衫帕頭軍人百姓等白衫紙帽婦人

素纓不花釵三日止契勘前項文武百官等合服孝服

欲乞下臨安府委通判一員曹官一員製造仍關會所
屬應行在職事官等員數供送給散 一依典故其諸
路監司州軍縣鎮長吏以下依禮例合服四脚直領布
襖衫麻腰經朝晡臨三日除之乞令都進奏院遍牒施
行 一檢會故事其禁衛行門班直親從快行親事輦
官等自成服日並服青紫或褐衫帶子至釋服日並依
舊自成服日至釋服日前如遇朝殿亦服青紫或褐衫
帶子欲乞依上件故事施行詔依同日尚書省劉子知
所安府趙子浦劉子知
所有官員李願今欲依式做造供應軍執兩府侍從臺
使卿監卿官寺監丞簿武臣節度使南班宗室管軍知
百官三省樞密院主事以上及御史臺閣門太常寺引
班祿歷人寄居待闕官並各依制支
給布一足到下臨安府依所乞施行

同日又言自舉哀日皇帝不視事擇日成服據太史局

申選用五月二十六日戊戌時用其日癸時吉詔依
又言典故未御殿已前於几筵殿側西廊有司設素幄
宰執奏事今來几筵殿地步隘窄別無設幄去處若未
成服以前遇有宰執奏事欲乞權於內殿廊廡今有司
隨宜設素幄皇帝服初喪服宰執并應奉等官常服黑
帶若成服後未御殿遇宰執奏事皇帝服新袞服宰執
以下並服孝服所有五月二十六日成服日皇帝詣几
筵殿行禮是日皇帝自內服初喪服乘輿至几筵殿東
降輿歸幄其應奉等官常服黑帶以俟成服行禮所有
輦輿打從物等權行包裹詔依

又言五月二十六日癸時成服依故事成服訖皇帝詣
几筵前行祭奠之禮今參酌到合行事件 一合用香

紫香爐匙合炭火湯瓶注碗盤盞托奠茶酒孟子鈔鐸

盆臺等並乞下主管官指揮所屬排辦 一合用祝文

一首述以皇帝為本慈訓聖恩乞下學士院修撰書寫

進書乞降付太常寺 一合差讀祝文官一員乞於史

官內差導太常卿一員乞於卿監郎官內差 一合用

御封降真香一合乞下入內內侍省取降 一合差侍

香并進茶酒捲簾舉祝版內侍乞下入內內侍省差

一合用定時刻尅擇官二名乞下太史局差內一名于殿

門外百官幕詔依自後凡遇請降祝文學士院修撰書

次前祇應四侍省差

二十四日金安節等言已降指揮特斬製三年之服以

申哀慕檢會祖宗故事宮中實行三年之喪而外庭以

日易月今欲乞敷奏依典故施行詔三年之喪固當盡禮有司以典故來上勉從所請

同日尚書省劄子權禮部侍郎金安節等劄子所有皇帝成服并小祥大祥禫祭其合用燎草焚燒祝文令臨安府計會几筵殿交收俟行禮畢令几筵殿一面焚燒及契勘几筵殿係在和寧門內其孝服紙贈等並令經由和寧門入出劄下臨安府太常寺皇城司依所乞施行

六月一日金安節等言小祥日皇帝行祭奠之禮畢易小祥之服改服布四脚直領布襖衫腰經布袴所有文武官二品及五品以上并職事官監察御史以上內客省宣政昭宣使知閣門事及入內都知押班至小祥日

陪位行禮畢未有改服之文欲乞依永熙陵禮例小祥行禮畢改服布幘頭布襴衫腰經布袴詔依

七日金安節等言今來依國朝典故以日易月五月二十日立重安奉几筵至六月十七日大祥後所有衰服欲乞權留以侍梓宮之還內皇帝皇后衰服欲乞於几筵殿內權且收掌文武臣僚等孝服各行存留以俟別降指揮詔依

皇帝成服行禮儀

其日儀鸞司先設素幄於几筵之東稍前時將至御史臺閣門太常寺分引行事陪位官易服就位立班定皇帝服素服詣孝慈淵聖皇帝几筵側素幄即座太史奏時及禮直官太常博士引太常卿當幄前俛伏跪奏太

常卿臣某言請皇帝為孝慈淵聖皇帝崩成服奏訖俛
伏興內侍官為皇帝釋素服易哀服禮直官引讀祝文
官詣香案西面東立捲簾前導官導皇帝出幄詣孝慈
淵聖皇帝几筵側西向褥位立奏請再拜哭在位官皆
再拜哭前導官導皇帝詣香案前三上香跪內侍進茶
酒內侍酌茶三奠酒俛伏興奏少立俟讀祝文官稍前
跪讀祝文訖請皇帝哭盡哀在位官皆哭盡哀請皇帝
再拜在位官皆再拜前導官導皇帝還褥位再拜在位
官皆再拜前導皇帝還幄簾降太常卿奏禮畢退百官
移班進名班首出班致詞復位再拜奉慰仍進名再拜
奉慰皇后於殿門外訖班退

禁樂

紹興三十一年五月二十二日權禮部侍郎金安節等
言今來孝慈淵聖皇帝升遐舉哀日欲乞臨安府及諸
路府州縣民庶禁樂百日令都進奏院遍牒施行詔依
六月一日金安節等言檢會昨徽宗皇帝升遐品官並
合禁樂二十七日今欲乞依禮例施行詔依

又言今撫照國朝永定陵故事未除服前祭告祠祀行
事官權改吉服禮畢如故及乾興故事樂備而不作祔
廟畢如故所有今來孝慈淵聖皇帝未祔廟前每遇大
祠奏告等行事官乞權改吉服禮畢如故及用樂去處
乞備而不作詔依

八月十三日禮部太常寺言今來孝慈淵聖皇帝百日
太史局申九月四日係百日依故列諸路民庶禁樂一

日乞令都進奏院遍牒詔依

月

二十一日太常少卿王普等言昨歲宗皇帝升遐內外
品官禁樂二十七月行在并行宮民庶禁樂七月在外
民庶三月顯仁皇后上僊自舉哀至祔廟以前民庶禁
樂今來孝慈淵聖皇帝升遐已降指揮內外品官禁樂
二十七月民庶禁樂百日緣未行祔廟之禮遇朔望日
文武百官依前入臨所有臨安府城內外民庶難以便
令開樂欲乞依典故及已降指揮內外品官禁樂二十
七月諸州縣民庶禁樂百日外其臨安府城內外民庶
候祔廟畢開樂詔依

三十二年正月十二日禮部太常寺言今年五月二十
二日恭文順德仁孝皇帝小祥依禮例諸路州軍縣鎮

等處小祥前後各一十五日詔依

二十三日太常少卿王普言將來五月二十二日恭文
順德仁孝皇帝小祥行宮太常寺申降到指揮諸路州
軍縣鎮等處小祥前後合禁樂七日普竊詳前項所請
止謂民庶其品官合依昨來已降指揮禁樂二十七月
慮恐疑惑欲望朝廷指揮下本寺關報行宮進奏院遍
牒施行詔依

隆興元年正月二十三日禮部太常寺言將來五月二
十二日欽宗皇帝大祥日諸路府州軍監縣鎮禁樂欲
乞依禮例禁樂七日契勘上件申請禁樂一節止謂民
庶其品官自合依元降指揮禁樂二十七月詔依

二月二十九日禮部太常寺言將來欽宗皇帝大祥依

故事合行禁樂昨徽宗皇帝正月二十五日大祥行在自十二月一日禁樂臨安府所屬諸縣自正月一日禁並至二月十五日所有今年五月二十二日欽宗恭文順德仁孝皇帝大祥今比附上件故例欲乞行在自四月一日禁樂臨安府所屬諸縣自五月一日禁樂並至六月十五日詔依

停祭

紹興三十一年五月二十二日權禮部侍郎金安節等言今來孝慈淵聖皇帝升遐自舉哀至附廟停宗廟祭享并中小祠詔依

又言六月二日昭憲皇后忌淑德皇后忌懿節皇后忌并六月十七日文懿皇后忌辰日分係在今來孝慈淵

聖皇帝以日易月服制之內百官難以趑赴行香依禮例合權停詔依

二十三日金安節等言依故例龍圖等閣祖宗神御殿權停節序旦望帝后生辰酌獻過大祥依舊今來孝慈淵聖皇帝升遐欲乞依故事施行詔依

十一日龍圖天章寶文顯謨徽猷數文閣言祖宗神御殿權停節序旦望帝后生辰酌獻過大祥依舊今准太常寺闕六月十七日孝慈淵聖皇帝以日易月大祥本閣檢准昨紹興七年并紹興二十九年體例係以日易月為大祥已後依舊酌獻詔依例施行

十月二日禮部太常寺言今來恭文順德仁孝皇帝服制之內見停宗廟之祭所有今來孟冬朝獻景靈宮欲

依體例權停詔依